



Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

Quomodo post Tiberium, Caius Herodem peepetuo multans exilio,
Agrippam Iudaeorum regem creauerat. Cap. IIII.

urn:nbn:de:hbz:466:1-29861

EVSEBII HISTORIAE

tionem, perq; Petri ministeriū primus esset fidem in Chri-
stum amplexatus, & complures alij Græci Antiochiae,
quibus discipuli, dum Stephanum Iudæi persequebatur,
varijs locis dispersi prædicassent & ecclesia Antiochiae
modo floreret, atque indies magis magisque cresceret, &
permulti prophetæ ab Hierosolymis profecti, illic eodem
tempore versarentur, & Barnabas ac Paulus vna cum
illis viuerent, aliaque fratrum turba istis adiungeretur:
A.R.ii. Christianorum appellatio in ea vrbe tum primum velut
ex florido & fertili solo exorta est. Agabus etiam unus è
prophetis, qui cum illis vixerunt, de fame quæ erat uni-
uersum orbem terrarum occupatura, id temporis vaticinatur.
Vnde item Paulus & Barnabas Hierosolymam usque allegati erant fratrum ministerio inferuiti.

*Quomodo post Tiberium, Caius Herodem perpetuo mul-
titans exilio, Agrippam Iudeorum regem cre-
auerat. Cap. IIII.*

Tiberius cum circiter duos & viginti annos imperiū Romanum gubernasset, abiit è vita. Huic in imperium succedens Caius confestim Iudææ præfecturæ honorem Agrippæ detulit, illumque tetrarchijs, quibus Philippus, & Lyfanias potiti fuerant, præfecit. Ad quas quidem non longo tempore post adiecit etiam Herodis tetrarchiam: Herodem (eum dico qui seruatoris passioni unā cum vxore Herodiade interfuit) & quem Caius ob varia & multiplicita crimina, quæ in vita admisisset, graui multæ & suppicio afficiens, perpetuo tandem addixit exilio. Atque istarum rerum Iosepho teste utaris licet.

*Quomodo Philo pro Iudeis, ad Caium legationem
obierit. C.A.P. V.*

HVius porro imperatoris temporibus Philo magna famæ celebritate apud plurimos fuit: Vir sane, qui non nostrorum hominum solum, sed etiam Gentilium qui humanitatis ac politioris literaturæ elegantia excellebant, facile principem locum obtinuit. Genus au-

tem